

常制
義科
瑣記
談記



制義科瑣記

李調元輯

編主五雲王

叢書集成初編

制義科瑣記及其他一種

中華民國二十五年十二月初版

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

制義科瑣記

本館據函海本影
印初編各叢書僅
有此本

制義科瑣記序

三代之造士也黨庠術序其法備詳於
周官禮記漢魏之取士也鄉舉里選其
事散見於紀傳律令大抵收教之法代
有不同而升秀之典係然各異求其勒
成一書足備掌故者固未有也至唐而科
目之多為最其中以登進士科為清班

與其選者莫不引為光耀至戴其賢
書於首稱曰千佛名經顧不感歎至定
係作據言二子卷刺取其事以賜宴題名
則有雁塔杏園之盛法書異蹟則有濡
黏藥榜之奇夢兆禎祥則有駝起龍
乘之卜不足以考鏡三唐人物之盛文
章之麗制科之盡善也哉我朝承

前明之法以八股選士則其歲又前古所未
有者蓋其各省之試謂之鄉試鄉試中選
而貢之京師合而考選之謂之會試會試得
列進士第者又廷試之謂之廷試自前明
以迄於今幾五百年儲材養士之厚未嘗
作新之制文人學士多喜談而樂道之
其體載于高文典策釋官野史之內

者更僕未易盡數予于誦讀之餘隨
見摘抄自明洪武開科以至于今共得百
十條彙集成冊為制科雅話以鳴盛事
亦以見國家待士之隆也故曰制義科
頌記亦聊以備典故云爾或曰八股取士
之制創於元代舊說以為王荆公始者紀
心蓋荆公之所創者經義非八股又凡八場

三制亦多元代所制如糊名易書等事
猶是遺規也不但文字體裁之物果於前
代而已編中所載未及原貽為補其遺乎
弁首云

乾隆四十二年八月中秋後百錦州
李調元鶴洲題并書



制義科瑣記 序

制義科瑣記卷一

羅江李調元鶴洲輯

制義開科之始

明洪武三年庚戌始開科就試者鄉舉士百二十三人
中式者七十二人主試則御史中丞劉基治書侍御史
秦裕伯同考則翰林侍讀學士詹同宏文館學士睢稼
起居注樂韶鳳尚寶丞吳潛國史編修宋濂而序錄出
於濂中試士未及會試悉授官四年京畿鄉試兵部尚
書吳琳司業宋濂濂仍為序尋合諸省之士會試凡二

百人中式者百二十人知貢舉官右丞相汪廣洋左丞相胡惟庸主文禮部尚書陶凱學士潘庭堅考試學士詹同司業宋濂吏部員外郎原本貢士鮑恂吏部侍郎顧貞監試御史孔希魯宋主提調兼印卷禮部尚書楊訓文同印卷中書左司郎中孫煜祖提調禮部侍郎秦文繹禮部主事姜漸受卷吏部主事林光弼彌封兵部主事許方膽錄蘇州教授貢穎之對讀翰林應奉文字唐肅禮部主事張孟兼此外又有監門搜檢巡緝鎮撫供給及掌行科舉文字省掾令史奏差等官廷試總調則汪廣洋胡惟庸讀卷祭酒魏觀博博士孫吾與給

事中李頤修撰王傑監試御史馬貫徐汝舟掌卷工部

員外郎牛諒受卷工部主事周寅彌封秘書監丞陶誼

對讀尚寶丞魏潛編修蔡元提調前陶凱楊訓文

按官品尚書祭

酒正三品侍郎侍讀學士正四品給事中從四品左司郎中司業
正五品員外正六品主事應奉修撰正七品編修秘書正八品是歲取中

俞友仁等廷試賜吳伯宗郭玗吳公達俱及第狀元授

員外郎餘及出身俱授主事同出身授縣丞會元亦授

縣丞高麗生入試者三人唯金濤登三甲第五名授東

昌府安邱縣丞餘皆不第三人俱不通華言請還本國

詔厚給道里費遣舟送之濤尋為其國相

初設科舉條格記

洪武元年詔曰朕聞成周之制取材于貢士故賢者在職而其民有士君子之行是以風俗淳美國易為治而教化彰顯也漢唐及宋科舉取士各有定制然但貴詞章之學而未求六藝之全至于前元依古設科待士甚優而權豪勢要之官每納奔競之人辛勤歲月輒竊仕祿所得資品或居士人之上懷材抱德之賢恥于並進甘隱山林而不起風俗之弊一至於此今朕統一中國外撫四夷與斯民共享昇平之治所慮官非其人有傷吾民願得君子而用之自洪武三年八月為始特設科舉以取懷材抱德之士務在經明行修博古通今文質

得中名實相稱其中選者朕將親策于廷觀其學識品
其高下而任之以官果有材學出衆者待以顯擢使中
行文武皆由科舉而選非科舉無得與官敢有游食奔
競之徒重以重罪以朕稱責求賢之意所有合行事宜
條于後一鄉試會試文字程式第一場試五經義各試
本經一道不拘舊格惟務經旨通暢限五百字以上易
程朱氏註古註疏書蔡氏傳古註疏詩朱氏傳古註疏
春秋左氏公羊穀梁胡氏張洽傳禮記古註疏四書義
一道限三百字以上第二場試禮樂論限三百字以上
詔誥表箋第三場試經史時務策一道惟務直述不尚

文藻限一千字以上第三場畢後十日面試騎觀其馳驟便捷射觀其中數多寡書觀其筆畫端楷律觀其講解詳審殿試時務策一道惟務直述限一千字以上一出身第一甲第一名從六品第二第三名正七品賜進士及第第二甲一十七名正七品賜進士出身第三甲八十名正八品賜同進士出身一鄉試各省并直隸府州等處通選五百名為率人材衆多去處不拘額數若人材未備不及數者從實充貢河南省四十名山東省四十名山西省四十名陝西省四十名北平省四十名福建省四十名江西省四十名浙江省四十名湖廣省

四十名廣西省二十五名在京鄉試直隸府州一百名
一會試額試一百名一高麗國安南占城等國如有經
明行修之士各就本國鄉試貢赴京師會試不拘額數
選取一開試日期鄉試八月初九日第一場十二日第
二場十五日第三場會試次年二月初九日第一場十
二日第二場十五日第三場殿試三月初三日一三年
一次開試一於洪武三年鄉試洪武四年會試一各省
自行鄉試其直隸府州赴京鄉試凡舉各具籍貫年甲
三代本姓鄉里舉保州縣申行省印卷鄉試中者行省
咨解中書省判送禮部印卷會試一仕宦已入流品及